

清东华录全编



第一九册

东华录

〔清〕王先谦撰

同治八十一一〇〇卷

学苑出版社







清东华录全编



第一九册

东华录

〔清〕王先谦撰

同治八——一〇〇卷

学苑出版社



臣王先謙敬編
臣張式恭恭校

冬十月己亥朔子甘肅陣亡提督鍾建高祭葬世職並殉難教諭王汝揆建祠○庚子左宗棠奏竊臣於八月二十九日馳報北路官軍於花馬池進剿連獲大勝時據劉松山八月初八日一稟聲敘厥後雖疊據固原鎮原各屬降回及劉松山留駐花馬池之提督黃萬友等探報劉松山疊獲奇捷陝甘逆回震懼情形然未據劉松山續報未敢入告也頃劉松山續報八月初六夜下橋營次調靈州城甘回頭目王洪馬愛被馬化澂喊令襲踞郭家橋陝回遺巢妄冀斷我後路劉松山令諸軍派隊潛起擊之賊見官軍至伏巢開槍劉松山知其怯也飭步軍蛇行從礮子密處猛攻馬軍東華續錄 同治八十一

整隊伺巢破衝殺比官軍近薄賊巢巢中賊譁噪益甚官軍一鼓齊登賊巢火起馬隊兩旁鈔出立將竄出各匪圍殺斃賊四百有奇生擒五十二名其焚斃巢內者約二三百名正跟追聞忽下橋老營飛報吳忠堡角聲齊作賊將出隊劉松山令馬隊掣轉自率步隊繼之甫抵下橋見營前二里許步賊如林馬賊排列兩頭氣殊驕甚劉松山令各營小憩傳餐午刻中軍鼓聲起道員劉錦棠偕提督尹興茂張拔萃喻執益等各率所部由左路進提督蕭章開偕曾德喜李雲貴等由右路進劉松山率提督陶定昇易致中易德麟李就山李樹棠由中路進雷提督何作霖譚拔萃周國勝軍功董福祥各率所部居後以備策應馬隊營提督余虎恩潘運璋陳宗蕃列左路之左提督彭緒祈譚上連列左路之右均如牆而進賊亦分數路迎戰而騎賊猛從兩旁衝出勢如潮湧劉松山

令董福祥率兩營附左路馬隊衝殺周國勝率一旗附右路馬隊衝殺正酣戰間步賊之悍者冒死衝突騎賊半下馬挺矛對刺官軍愈戰愈奮賊不能支左路賊勢先卻劉松山飭何作霖率所部陷陣各踞鼓齊催賊遂大潰追殺四里許忽吳忠堡北有賊馬千餘突出似圖截官軍之後劉松山令譚拔萃周國勝橫截而出擊之斃賊多名賊仍從吳忠堡北敗去譚拔萃等躡追至吳忠堡西二里許與正路各營復合隊追剿賊悉向金積堡遁去計是日兩戰共斃悍賊數百名生擒四十三名奪獲戰馬百數十匹旗幟槍械以千計官軍弁丁陣亡者十五名受傷者七十三名管帶馬隊營官提督余虎恩左膀賊矛戳透猶力戰如故訊據生擒逆回供稱是役各寨堡精壯之賊及陝西余彥龍等均來接仗仍為官軍擊敗此八月初七日兩戰獲勝之情形也初八日賊瞰官軍東華續錄 同治八十一

正修秦渠隄堰已刻仍出隊索戰馬步橫排十餘里劉松山調修隄各營歸隊擊之追過吳忠堡二里擒斬二百餘名奪獲戰馬七十餘匹賊亦不如先日之戀戰也初九夜金積堡逃出漢民供稱四百戶一帶地方陝回頭目馬正和等股已到金積堡議來撲營初十日黎明吳忠堡西各寨堡處處角聲競起金積堡一帶馬步大股亦擁擁而至劉松山飭各軍靜以待之午初始分五路出擊令先堵步賊俟騎賊鈔出陣前則以步隊附馬隊猛擊視賊馬步混雜則各路急撲之少頃步賊直偏陣前搦戰經官軍槍礮擊退旋即旋前刀矛相接騎賊從兩旁衝來官軍馬步橫出截之賊不能支紛紛敗退官軍五路縱擊乘勢壓迫八里許始行收隊計斃賊六七百名生擒六十四名獲戰馬二百餘匹軍械無算馬隊營官提督譚上連左腿受槍傷子未出員弁勇丁之陣亡者二十三

名受傷哨長七員弁丁九十八名蓋亦血戰矣十一日官軍壓吳忠堡而陳賊不復出馬隊檢生賊訊之據稱昨日之戰賊中因帶傷陣亡者甚多怨陝回不力不肯發糧陝回見於金積堡街市掠食堡中亦不能禁也十二日吳忠各堡賊出隊依堡而陳金積堡賊亦絡繹出隊列吳忠堡以南劉松山見步賊多而騎賊少心異之登高瞭望乃知騎賊已盡由吳忠堡北繞至下橋西三里許隱藏樹林及破堡中似圖於官軍出隊後襲取營壘者劉松山飭各營分兩路專擊吳忠堡南之步賊自率五旗步隊四營馬隊分擊樹林破堡中之馬賊飭董福祥兩營列隊為策應之兵鼓聲起各路奮威衝殺步賊先奔依吳忠堡者收入堡內由金積堡來者向金積堡去劉松山指攻之騎賊旋亦潰退惟左路騎賊數團立馬未動各營縱馬挺矛衝入賊中步隊繼之縱橫盪決斃賊甚多大東華續錄 同治八十一

三

隊分途掩殺約七里許兩路始會合收隊賊均向金積堡一面敗逸計是役擒斬悍回四百餘名奪獲賊馬百餘匹官軍陣亡四名受傷十七名此八月初八日至十二日四獲勝仗之情形也劉松山以陝甘逆回雖屢經剿敗而人數日增官軍更番出隊不能不畱隊守護營壘遇有須分支之處隊伍仍形單薄遂飭各營暇時堅修寨堡頓放輜重以便多派隊伍迅起戎機三十四十五等日賊伏未動各營併力修築堡寨竣工十五夜調知陝回馬正和等股屢經剿敗後未入甘回堡寨散處吳忠堡以西各村莊夜半月明如晝劉松山令各營傳餐四鼓緣北面稻田塍埂繞向西南前進萬眾靜悄無聲比偪賊巢賊始驚覺急傍村莊列隊易德麟蕭章開劉錦棠乘賊措手不及各督所部奮威衝殺賊見官軍四面圍逼益恟懼不知所為官軍分途猛撲立破賊巢十餘處敗賊

向吳忠堡各寨以兩易德麟等緊躡之追至各寨牆邊步賊赴濠遁避馬賊擁擠不前維時甘回各堡均吹角出寨圖擊官軍之勢劉松山令譚拔萃周國勝陶定昇易致中何作霖橫出擊之賊勢不支仍敗回各堡官軍乘勝縱擊擒斬不少天明仍收隊回營是戰斃賊約四五百名生擒一百二十四名奪戰馬二百數十匹槍械千餘件官軍陣亡者五名受傷者二十一名十六十七兩日賊不復出官軍仍加修堡寨十七夜擒獲賊探訊稱陝回馬生彥白彥虎郭阿洪等又各率所部由黑城子半箇城到金積堡劉松山登高望之見西南吳忠堡至金積堡一帶火光騰灼數十里知陝回大至賊探所供不妄料賊陣必寬即定計分布擊之黎明營之西南正西賊騎林立吳忠各堡亦皆出隊辰刻賊分由吳忠堡南北兩路撲近營壘結隊六七重橫列十餘里已正騎賊直逼營前東華續錄 同治八十一

四

劉松山督陶定昇易致中何作霖出左路飭易德麟李就山李樹棠出右路譚拔萃為策應之兵擊南面之賊飭劉錦棠同尹興茂張拔萃喻執益出左路蕭章開曾德喜王秀棣李雲貴出右路董福祥為策應之兵擊北面之賊飭余虎恩陳宗蕃等率所部馬隊擊南面騎賊以周國勝步隊附之潘運璋彭緒圻等率所部馬隊擊北面騎賊以董福祥中營步隊附之賊見官軍大隊成列而出騎賊即退居步賊兩旁相依而陳比官軍進至里許賊騎仍從兩面鈔來步賊向前突陣勢頗凶悍劉松山先擊南面之賊槍礮止刀矛接應戰時許賊漸不支易德麟乘勢大呼陷陣各營齊進銳不可當南面賊先潰北面之賊經蕭章開劉錦棠各督隊悉銳衝殺亦即潰奔馬賊見步賊已散無心戀戰官軍乘勝追殺直至吳忠堡西兩面敗賊併聚一路地狹人多敗走難速官軍合隊薄之

賊中器械馬匹拋棄無算計是戰斃賊近千名生擒一百三十二名奪獲戰馬三百餘匹營官提督陶定昇右膀中槍子傷王秀棟右乳中槍子傷子均未出其餘弁丁受傷者六十八名陣亡者十七名十九日金積堡賊競出刈稻約數千人劉松山按隊不動意俟其放膽來多則擊之是夜五鼓令馬步各營分伏南北路樹林中伺之天明賊果於吳忠堡北至余家湖一帶排列騎先步後連巨十餘里老者弱者牽馬騾絡繹下田割稻迨微見官軍隊伍步賊即止不前騎賊仍分數路前來劉松山飛飭伏軍緩動待東北各營將賊擊動伏軍乃分路截之分布甫定賊已深入伏中官軍號鼓齊發騎賊驚惶勒馬不前各營乘勢縱擊賊大潰易德麟劉錦棠見東北賊陣稍卻急起截之殿後馬賊飛駿而遁步賊約五六百擠入稻水田中官軍圍殺殆盡大隊壓追五里許沿途斃賊東華續錄 同治八年十一月

五

八九百名擒獲割稻老弱三百餘名縱之令歸是役馬隊營官提督余虎恩左肩復受槍子傷甚重弁丁陣亡者六名受傷者二十七名二十一日擒獲金積堡小回目馮沅發據供馬化澀因調催三未到又調靈州王洪周斌兩股由黃河邊來噉河東西各寨精壯回民多帶擡槍小槍集金積堡並噉陝回馬正和將甯安四百戶一帶護守家眷各壯丁悉來決戰二十五日天明逆回自金積堡數路齊出步賊排列吳忠堡左右各村據外騎賊附其兩旁吳忠堡各賊亦列隊據外以待劉松山按隊勿動至已初飭易德麟李如山李樹棠尹興茂張拔萃分兩路由吳忠堡左進劉松山率席大成易致中何作霖蕭章開曾德喜分兩路由吳忠堡右進雷譚拔萃周國勝及董福祥中左兩營以備策應飭馬隊營官潘運璋等為左翼喻執益率所部步隊附之陳宗蕃彭緒忻等為

右翼李雲貴率所部步隊附之分布甫定騎賊漸次向前衝突各路官軍號鼓並發火器齊施騎賊不支仍敗退步賊之旁官軍奮威衝殺槍斃止刀矛接酣戰兩時斃賊無算中有紅衣青馬逆首中破落馬賊槍斃而逃餘賊大亂官軍乘勢蹙之賊中人馬擁擠紛紛墮入壕坎官軍四面圍逼見賊即砍復猛追八里許沿途屍骸枕藉吳忠堡之賊縮退堡中漏逸之賊均向金積堡逃竄計共斃馬步悍賊千數百名生擒百五十餘名奪獲戰馬四百餘匹槍械九百餘件據生賊供稱逆首馬正和右乳帶礮子傷斃馬餘賊搶護而逃面色已變即所見紅衣騎青馬者也馬正和在陝回頭目中凶悍最著此賊伏誅陝甘各回自更喪膽是役提督曾德喜左腿被擡槍子洞穿易執中左乳旁受矛傷甚重哨官受傷者十

六

同治八年十一月

亡者三十七名二十六日金積堡回又出割稻劉松山見其人數不多未出隊二十七日馬隊擒獲賊探訊知陝回崔三李經舉等股悉到金積堡二十八日黎明西面一帶塵氣大起吳忠各堡亦出隊南至水邊北至余家湖排列十餘里遙見羣賊多帶鋤鏟並用矛量地劉松山揣賊屢經痛剿或圖決濠以阻官軍親往覘之令各營準備出隊比回營即飭易德麟督李就山李樹棠等進左路蕭章開督前旗左旗及李雲貴等進右路自率席大成何作霖譚拔萃周國勝進中路飭劉錦棠居後策應三路而以馬隊列步隊兩旁別以步隊附馬隊之後比進至三里許騎賊已從左右飛奔而來步賊亦冒死來撲官軍馬步整隊禦之刀矛槍礮並進賊屢前屢卻轟斃殺斃無算步賊甫頓而騎賊仍與我馬隊拚死相持劉錦棠催譚拔萃飛赴左路喻執益飛赴右路助戰騎賊始

敗各路乘勢猛撲緊壓緊追賊紛向吳忠堡左右兩路敗走追過吳忠堡西賊復回拒又經官軍擊敗並向金積堡竄逸追殺五里許至板橋敗賊人馬擁擠墜落溝塹者不計其數官軍收隊少頃金積堡復出賊一二千似圖接應敗賊者劉松山飭兩路均連環收隊追賊撲近始猛衝之收隊至吳忠堡東半里許敗賊麕聚愈來愈多中營鼓聲起各路返旆猛撲賊復大潰仍追至板橋而還共斃悍賊一千六七百名生擒一百八十餘名賊中受傷者約倍於斬馘之數奪獲戰馬五百餘匹槍械則拾不勝拾矣是役提督易德麟左乳受擡槍子重傷軍功董福祥頭顱及左肩均受輒石傷軍功張俊右胸肱受槍子傷馬隊營官陳宗蕃右腿受矛傷哨官受傷者十八員其餘弁丁受刀矛槍礮者九十二名受磚石傷者一百三十七名陣亡員弁勇丁三十五名而殺賊多於諸戰此東華續錄

同治八十一

七

劉松山一軍八月十六日起二十八日止疊次獲勝之情形也臣維馬化澂所恃以抗官軍者有二金積堡地勢居秦漢二渠之間黃流分躡舊稱沃壤足以阻水自固而困官軍一也同教有新老之分馬化澂本新教回民與陝回老教回民宗旨不同互相水火及與漢民尋仇生衅則彼此通同一氣無復新老之分而甘同究不如陝回之強馬化澂尤思藉以自衛始因陝回竄附代為乞撫市德於陝回繼因陝回反覆無常又思豫為別白以免官軍之剿其詭謀蓋謂陝回勝固可藉以為重陝回敗亦有詞以自解究之陽順陰逆其用心則路人所共知二也劉松山自花馬池進靈州於甘回之已撫者本已豫示區別馬化澂喉甘回陝回抗拒時初不料官軍之鋒不可妄犯思一逞以自雄迨八月初三日郭家橋大敗後初四日又遞稟代陝回求撫為緩兵之謀而於劉松山兵

至下橋距金積堡三十里地方卻一字不露蓋欲掣臣與穆圖善准撫之批以挾制劉松山耳臣於馬化澂前稟批示剿撫機宜北路應由劉松山劉錦棠察看南路應由雷正綰黃鼎察看者以此幸劉松山燭其奸謀一意進剿未及一月疊將甘回陝回痛加懲創實殺賊一萬數千之多臣飭雷正綰黃鼎周蘭亭簡敬臨馬德順馬步各軍亦於陝回犯及固原時迅與埽蕩連獲大捷奸謀更阻馬化澂旋又於九月初三日具稟求撫矣臣閱其九月初三日一稟情詞尚為哀切而絨中又附八月初六日一稟則頗以劉松山濫殺激變為言猶思藉詞聳聽情形殊為可惡臣又批飭之仍擬察其誠偽以定剿撫貳則討之服則舍之務在攻心以規久遠所有馬化澂四次原稟及臣批詞均鈔送軍機處以備考覈至金積堡地勢之險要陝甘官民均能言之劉松山所藉以得手者在東華續錄

同治八十一

八

於靈州速進先據下橋後五里之永甯洞得以宣洩河渠之水故能制賊而不為賊所困觀馬化澂見稟求劉松山退駐靈州及請臣委員赴靈州受撫其情可見至固原北路各軍捷狀及甘回求撫陝回南竄當夏已無回蹤一切情形容即據實續報此次陝甘回逆同時抗拒官軍賴劉松山速赴戎機分別辦理得以潛消積年隱患於大局實有關繫該提督忠勇實一時諸將之冠前因失察游匪一案蒙恩革職畱任可否請旨開復處分之處出自天恩其前案內失察之分統營哨各官此次均奮不顧身亡傷頗眾可否一並免其查參其案外各員實為出力可否由臣保獎出自聖裁至疊次陣亡之記名提督鍾達高提督銜記名總兵胡玉元記名總兵牛得起推補副將陳士標鍾宣晉龍錫玲楊朝有副將銜補用參將萬名高易本集補用參將張澤友易光前參將銜

補用遊擊李名成楊篤才補用遊擊劉疏元黃德祥實義和補用都司徐育南章如山金崇德鍾貴德拔補守備趙祥友王玉順常中華陳國恆涂碧勝守備銜千總吳名填蕭其中拔補千總劉桂堂拔補把總單洪桂熊玉貴勝加全鄧代全楊芝蓮等實係血戰捐軀應均請旨飭部各照官階從優議給卹典以慰忠魂而昭激勸穆圖善奏前因董志原大股陝回竄入甯靈地方奴才所部兵力驟難抽分權派署河州鎮總兵胡昌會前往督同靈州金積堡同紳馬朝清彈壓開導及據胡昌會稟報駐紮甯安堡貴字三營被圍多日奴才飛飭該統領夏允升相機移營駐紮中衛爲保守縣城之計各情業經先後奏明在案嗣據胡昌會連次稟呈由中衛啟程前赴靈州金積堡途次甯安堡適陝西回目楊文治崔魏馬鎮和等派隊迎接面懇代稟投誠內有河州回目馬占魁對眾東華續錄 同治八十一

喧嚷云穆將軍收撫是假往往先撫後剿未可深信竟當糾約陝眾赴河州會合大舉入寇胡昌會當與面爭陳以成敗利害多方曉諭更幸陝目楊文治亦爲幫同開導馬占魁始云既係如此俟果將陝眾收撫妥當彼時伊等誓願歸誠等語胡昌會隨即馳赴金積堡查得本地回民安靜如常富與馬朝清飛調陝西各回目馬鎮和崔魏陳林馬壽清閻明泰藍泰治士俊李經舉馬長順禹得彥于恆廉沙學德馬必政白彥虎楊文治馬生彥等先後到齊該頭目均願投誠求爲轉懇收撫該署鎮因無地安插暫令各在見住地方靜候請示再行遷移不准在外滋擾自外生成該署鎮卽於七月二十五日由金積堡啟程馳赴甯安堡時我軍貴字三營被困日久糧水兩缺胡昌會卽諭令馬鎮和等遣散其黨幫辦車輛船隻將三營弁勇渡河於八月初三四五等日一併移

案中衛防守該縣城池忽接馬朝清函開劉提督松山帶領大兵突抵吳忠堡率行搶殺馬朝清差人投稟劉提督語言矜躁有不分良莠之意難免已降回民猜疑聚眾滋事邀請胡昌會仍回金積堡商辦等語胡昌會正擬前往又聞陝甘回眾屬集金積堡有與大兵接仗之事向不知大局如何等情呈請嚴辦前來奴才查左宗棠派劉松山一軍由北進偏原迎擊董志原竄賊免致句結甘回蔓延爲害該署鎮胡昌會所稱各該頭目俱願投誠固難保非勢窮乞降藉緩我師而謂陝甘回眾屬聚金積堡與官兵接仗亦係該署鎮得諸傳聞虛實均未可遽信但查吳忠堡距金積堡止三十里距靈州亦三十里若如馬朝清所致胡昌會信函兵抵吳忠堡率行搶殺實恐激成事端又成不可收拾之勢伏查靈州回紳馬朝清卽馬化澐本係營弁自甯夏郡城失陷被逆回馬東華續錄 同治八十一

兆沅倡脅靈州變亂其時該紳尙知約束金積堡回民不許出外滋事先向雷正綰曹克忠兩營求撫交銀交糧後曹克忠帶兵進紮滾泉該紳恐回眾疑懼上稟諫阻未蒙批准曹克忠等旋又進紮強家沙窩致陝回拚死抗拒大挫兵威而馬朝清仍勸諭本堡回民安靜待撫並設計將馬兆沅殺斃迨奴才奉旨督辦軍務該紳復具稟輸誠初次捐修渠工銀八千兩米一十五萬斤並呈繳器械馬匹多件曾經奴才於同治五年三月具奏並鈔錄該紳原稟恭呈 御覽欽奉寄諭穆圖善奏復陳馬化澐投誠各摺著准其投誠責令前赴各路開導回民立功自贖等因卽經奴才宣傳聖諭先令該紳隨同代理靈州知州尹泗將該州善後一切事宜妥速籌辦並查點營庫存儲各項軍械數目亦於是年四月間復奏嗣該紳安輯地方保衛漢民勸導回眾投誠擒斬叛亂陝匪

並親往李昭海城等堡收撫鹽固一帶降回出力奴才於是年九月初八日保奏奉旨馬朝清著賞加副將銜仍責令該弁保衛漢民勸導回眾不准始勤終怠欽此等因迨奴才親赴靈州該紳馬朝清所部回眾俯伏道左感頌 皇仁馬朝清並倡率報捐領頂職銜約二萬兩復自願捐助糧米豫備駝隻陸續轉運大營奴才查看漢回安堵商販通行流亡復業地方一律底定情形又於是年九月二十八日詳細陳明繼奉同治七年正月初七日 上諭玉通奏西甯府屬漢回互鬪北川失陷一摺其新降回目馬朝清並著穆圖善催令前往毋稍遲緩等因奴才因甯靈一帶安插就撫之回悉資彈壓其責甚重難以分身已將未能赴湟緣由覆陳各在案至同治七年閏四月該紳會同靈州兵役將著名刁匪曰哇馬晶中馬舉擒獲解送甯夏郡城分別斬首梟示曾蒙恩賞加東華續錄

同治八十一
提督銜其同時獲犯出力之馬耀邦馬萬選赫壯圖馬明起赫忠義均蒙分別賞給官階虛銜是年六月該紳馬朝清派令穆生花馬振海馬忠海又將暗中結盟謀為不軌之楊三魁馮學禮白天鳳等一百餘人殲斃解散餘黨救出被脅良民奴才於上年八月據實奏明亦在案且連年捐糧運送每歲不下七千石積成巨款接濟飢軍是馬朝清之深明大義矢志靡他證之前事已班班可考今官兵行抵吳忠堡如果率行搶殺則金積堡與靈州均唇亡齒寒自不免羣生惶惑夫蠱蟻尚知貪生人豈不知惜命當危急之時鋌而走險勢所必致奴才不敢謂甯堡已降之回皆良民也但無事之日善者相安惡者自隱受其制即向有匪徒竊發善者不難羣起攻之如馬白哇楊天魁等股卒為馬朝清穆生花等所除是也若兵自外來事起倉卒居民不知其意之所在善者

同不免驚疑惡者亦必圖一逞以自快且恐不法之徒妄造謠言謂官兵此來洗某莊某堡是善者為惡者煽惑亦將倡而為抗拒官兵之舉彼時各項目如馬朝清等雖可信其立志堅定而教下多人情急變生必致理喻勢禁兩為束手我軍能以大獲全勝一股殲除幸也而已上干天地之和若官軍稍有不和從此回氛四起東路未定之鹽固西路已撫之肅州皆成變局而河狄西甯各路匪徒更將乘機蠢動烽煙滿地我軍應接不暇究從何處下手此實萬不可不審慎於先機者也伏讀屢次 上諭祇分良莠不分漢回甘甯漢民受回匪之害最深固無不思拔盡根株方足以消積忿即奴才亦豈不願將此股全數殄滅弭隱患於將來但從古用兵無非勦撫兼施未聞不留遺種即近時髮捻各逆一經痛勦之後其畏罪歸誠者無不仰邀 聖澤化盜為民良以殲厥渠魁脅從罔治且萬無誅鋤淨盡之理竊思奴才從前帶兵入甘親見甯靈百姓流離失所無業可歸竟致人食人肉而官軍又嗷嗷待哺郡城久攻不下若不將計收復既虞士卒因飢譁潰更恐熾同匪之凶餓漢民益靡有孑遺是以當該處回族震懾兵威俯首聽命之時即為因勢利導分別勸懲勒令縛獻首惡呈繳器械馬匹准予自新在受害之漢民固不免疑奴才偏於主撫而不知寬降同一綫之路正為全漢民數百萬之生迨後五年三月蘭州省城兵變河狄陝西回匪乘間環逼於外其時省城糧價每斗值銀三十餘兩餓殍盈途根本之危懸於一綫而甯靈降回各安生業並無一人前往蘭州助逆於是漢民相信日深陸續歸籍者難以數計今已數年漢回交相貿易和好如初若降回稍有反側之心漢民即先有恐懼之象豈能毫無猜嫌至於今日伏思奴才滿洲

世僕何德於同何仇於漢況所部兵勇及辦事之人均屬漢民有何區別實因大局攸關天良難昧故有真心向化之同必仰體朝廷一視同仁之意代爲乞恩即明知其投誠不足恃而亦權准收撫者亦無非痛漢民火熱水深因兵難偏及不得不暫示羈縻以救殘黎性命此等情形俱已早蒙 聖明諒鑒如今日之甯靈若不分別良莠恩威並用實恐甘省兵連禍結迄無已時即將來左宗棠剿而後撫亦未必能堅固民之信 奴才雖將交卸不敢知而不言亦未敢聞而不顧除飛飭胡昌會督同馬朝清仍行妥爲開導彈壓本地回眾毋得妄起猜疑並確探北路進兵實在情形另行奏報 上諭軍機大臣等前因定安奏劉松山肆行殺戮致回民復叛襲踞靈城各情疊諭該大臣查明具奏見在靈州情形究竟何似劉松山有無濫殺激變情事仍著懷遵前旨迅速奏聞馬東華續錄 同治八十一

然復叛之心該大臣自應督軍進剿破其奸謀若已震懾兵威真心求撫前此亦無襲踞靈州之事即著斟酌情形妥爲辦理毋令日起猜疑至甘回窮困情狀尙與陝回不同該大臣亦當悉心體察以戢兵端雖不可一意言撫而臨事決機亦不可涉以成見所請開復劉松山革職畱任處分及管哨各官免其查參出力員弁請獎之處均著俟查明靈州情形覆奏後再降諭旨其固原北路各軍戰狀及甘回求撫陝回南竄情形著即詳晰查奏以紓厯繫本日據穆圖善奏范銘石成器兩軍索餉甚急請飭催撥餉接濟等語著該大臣迅飭袁保恆於西征半餉內趕緊勻撥源源解赴甘營不可稍有膜視穆圖善又奏稱甯靈回眾仍宜籌撫及飭胡昌會督同馬朝清開導回民各節與見在辦法有無窒礙亦著該

大臣隨時籌辦用靖邊陲原片著鈔給閱看將此由六百里諭令知之○諭穆圖善奏肅州善後事宜請仍歸楊占鼐經理一摺據稱提督成祿前經奏請令署甘肅提督楊占鼐赴陝西等處募勇西上助剿見在關外軍情該署督勢難兼顧楊占鼐有布置肅州善後之責未便遽離甘省等語成祿所奏在川陝等處募勇前經降旨已不准行著照穆圖善所請仍令楊占鼐署理甘肅提督責成該員將肅州善後事宜妥爲經理毋任回民復生事端前諭成祿將見有兵勇汰弱留強覈定實數奏聞聽候諭旨該提督自當懷遵辦理其高臺以東糧石穆圖善奏稱難以分撥成祿軍營仍將安西等三州縣徵糧專撥之處並著穆圖善隨時斟酌情形辦理將此由五百里諭令知之○諭錫綸等奏統籌機宜敬陳管見一摺據稱厄魯特人眾前籌分安杜爾伯特及喀爾喀四盟惟變東華續錄 同治八十一

民新降人心未固徙畱兩難該處點禁之徒頗爲不少往往肆行煽惑必須將其莠種移之遠方而後蚩蚩愚氓不難安插等語索倫等人眾疊經諭令福濟等妥籌安插仍著該將軍等懷遵前旨酌量情形分別安插毋使滋生事端至錫綸會同棍噶扎勒參所籌裹糧西征一節該呼圖克圖勇於任事具見惻忱惟布城變民甫定應行籌辦之事甚多能否遽圖大舉錫綸何以不與福濟等先行妥商率行具奏殊屬非是著福濟文碩錫綸仍會籌全局一切機宜務期次第辦理毋得稍涉孟浪將此由五百里各諭令知之○辛丑諭軍機大臣等金順奏官軍續獲勝仗會師南進圍攻賊巢一摺逆目納萬沅在納家牖等處增黨修卡併力抗拒經金順商同張曜親率馬步各隊分道進剿大獲勝捷見在會師南進徑擣納家牖賊巢酌畱隊伍防護甯夏郡城辦理尙爲得手著金

順卽同張曜督率各軍相機進剿。該逆各巢一律攻拔毋任負隅定安務當多撥勁旅爲張曜後路接應以厚兵力昨據左宗棠奏劉松山一軍在吳忠堡等處獲勝見有提督黃萬友赴該營隨剿著金順飭令迅速進兵彼此聯絡聲勢以便節節兜剿迅速逆氛將此由五百里各諭令知之○壬寅諭軍機大臣等前因花定等處喫緊諭令左宗棠迅飭郭寶昌一軍移紮榆林地西以厚兵力旋據左宗棠奏郭寶昌患病未痊已催金運昌撥卓勝軍馬隊由綏德鎮靖堡定邊前進見在甘肅一路回匪雖經劉松山等進剿獲勝難保該逆不乘閒東竄轉瞬河冰凍結晉省防務極關緊要郭寶昌向來帶兵甚爲奮勇此時病體當已就痊著左宗棠卽飭該提督酌帶親兵前赴山西聽候李宗義調遣並著李宗義督飭該提督會同李慶翔將河防事宜嚴密布置以資得力其餘各東華續錄

同治八十一

五

隊仍著左宗棠嚴飭金運昌力扼花定一帶疏通糧路兼杜賊蹤旁竄該軍餉需英翰仍當源源籌解毋稍欠缺將此由四百里各諭令知之○乙巳左宗棠奏竊臣於八月二十九日馳報剿辦中路土匪迅就肅清見籌會剿北路回逆情形後據報固原回民母仲元等被陝回白彥虎等所脅挈眷北徙金積堡陝回白彥虎及甘同李正榮等各股復由豫望城黑城子竄入固原州揣賊意在阻截官軍北行而以全力抗劉松山也維時固原提督雷正綰駐軍古城川石家溝八月二十四日陝回白彥虎甘同李正榮穴撲官軍營壘適提督周蘭亭自瓦亭馳至會同雷正綰擊敗之賊復噉豫望城半箇城李旺堡各處之賊紛來抗拒臣已調總兵簡敬臨陝安道黃鼎自中路馳至二十八日簡敬臨周蘭亭黃鼎出隊辰刻抵二十里鋪偵賊由平川兩路衝來官軍分三路迎擊賊眾

益擁而至氣殊驕甚官軍嚴陣卻之槍礮對施斃悍賊數十名鏖戰逾時雷正綰隊伍由黃毛嶺壓下簡敬臨周蘭亭黃鼎麾軍猛進奮威衝殺賊不能支各營馬步乘勢壓擊斃賊二三百名城中賊復護老弱衝出官軍分途橫截將賊衝爲數段各城及固原敗賊均向黑城子敗遁各軍躡蹤緊追至固原北三十里頭營地方沿途斬殺無算計共斃賊一千有奇生擒千餘名分別斬釋奪獲騾馬千餘匹刀矛槍礮數百件此二十八日官軍會剿逆回獲勝肅清固原之情形也訊據賊供劉松山自八月初三日郭家橋大捷後旬日內又屢獲大捷馬化澂喉甯安四百同心豫望各堡回眾再與劉松山決戰因恐固原各軍並進遣馬萬春等噉陝甘回眾力抗南路之師臣當飛催固原各軍乘勝速進期與劉松山收夾擊之效雷正綰簡敬臨周蘭亭等詞黑城子踞逆因官軍進東華續錄

同治八十一

六

固原白彥虎李正榮敗後一日數驚各回眾紛紛北徙九月初三日四鼓各軍林馬躡食整隊前進行距黑城子四里許瞭見賊眾蟻聚平川騎賊布滿東西兩岸官軍步隊從中路排進馬隊左右兩翼徐行賊見官軍至正分股上川抵禦馬隊疾馳繞出黑城子之後賊眾大亂步隊乘勢薄之賊不及歸巢竄死北竄步軍立破黑城子回堡擒斬多名馬隊躡至界牌沿途殺斃數百名奪獲騾馬百餘匹仍收隊回固原適三百戶地方良回穆進善報稱白彥虎等被創後糾合馬得彥楊文股屯踞距固原六十里之三營地雷正綰簡敬臨周蘭亭約黃鼎出隊自率所部於初八日進剿賊已到頭營地方伏各破堡中步隊遂密結方陣整隊徐行騎擒斬連日賊且堵且退似引官軍入者初十日黎明周蘭亭簡

敬臨雷兩成隊護輜重於楊老莊各率八成隊進剿行未數里該逆大股風馳雨驟而來簡敬臨飭總兵姚連陞譚正明彭壽山率隊進左路周蘭亭飭總兵趙玉亭劉明泰知州黃立鼇率隊進右路親率所部及廣東高州鎮總兵徐文秀縣丞吳恩榮居中參將桂錫楨領馬隊出左路之左參將李廣珠領馬隊出右路之右分布甫定該逆以大股猛撲中路另股從左右兩路鈔來兇悍異常各營屹立不動俟其漸偏漸進乃以綫槍洋槍連環轟擊夾以礮山礮賊中人馬應聲而倒勢漸不支周蘭亭簡敬臨麾左右兩路馬隊飛馳陷陣步隊繼之賊眾潰走官軍躡至三營地方敗寇入堡死拒左右破堡內伏賊齊起周蘭亭簡敬臨飭姚連陞趙玉亭等兩路出隊擊之馬隊斜鈔賊前各營愈戰愈奮銳不可當該逆越堡而遁堡外之賊亦奪路狂奔是處坂峻溝深賊中人馬自相蹂躪墮斃無數官軍分投扼截斃賊八百有奇生擒百餘名奪獲戰馬百餘匹敗賊向洪溝逸去當據賊供甘回馬萬春喉白彥虎禹得彥楊文治圖與官軍力戰今日擊敗之賊即馬萬春所統也訊畢斬之合彭壽山黃立鼇率所部憑堡扼賊以防黑城子何家溝鈔襲之賊周蘭亭簡敬臨仍率各營前進南行數里後路探騎飛報何家溝突出一支騎賊圍撲彭壽山等營周蘭亭簡敬臨亟麾軍回援時該逆正與彭壽山等相持適雷正綰亦率所部各營馳至賊駭而奔各軍仍會合追剿將抵黑城子瞥見紅衣賊首率騎賊飛奔前來勒敗賊力關官軍整隊迎之馬隊亦下馬挺矛接戰立斃悍賊數十名賊勢稍卻忽紅衣賊首領數百騎飛馬突陣勢甚兇悍官軍分隊截之立將賊首截傷墜馬餘賊亡命搶護復經官軍殺斃多名賊仍敗退訊據賊首乃陝回僞元帥楊文治狡

東華續錄

七

東華續錄

同治八十一

大

悍異常屢以撫誤官軍者也立斬其首以徇又追數里始收隊回營計是役共斃悍賊千餘名奪獲騎馬近千生擒百數十名此初十日各軍獲勝擒斬逆首情形也逆首楊文治首級解營令傳示受害各地方以昭天討而快人心驗視楊文治所用鐵矛重十七斤其悍可想十一日雷正綰馬德順周蘭亭簡敬臨黃鼎各留一營駐黑城子防海城鹽茶應豫望城來犯之賊率所部馬步各隊進攻李旺堡十二日五鼓各軍齊由八營地方進發行近李旺堡調賊正挈眷而逃馬步各賊列堡外思抗官軍雷正綰等商令分兵三路齊進馬先步後賊望風而潰陣斬數十名乘勢衝殺立將李旺堡賊巢攻毀賊向半箇城竄走官軍馬隊猛躡之步隊兩路夾擊賊遇溝坎頓旗死抗官軍追之急逆騎輒擁擠不前自相蹂躪死者無數猛追三十餘里至永家莊沿途斃賊近千名得逸去者僅數騎耳訊之生擒賊供知李旺堡賊首李應春綽號野賊老巢尚在李旺堡前五里地名穆家潭各軍立派步隊圍之是處堡小而固賊見官軍至憑堡穩抗官軍以炸彈劈山礮仰攻之肉薄而登立將賊巢攻破巢內悍賊數百名無一漏網生擒偽副元帥楊輝雲訊知賊首李應春赴豫望城求援未回楊輝雲本陝回僞元帥李經舉之副也當斬以徇其漢民婦女幼孩則縱之是役斃賊千餘名獲騾馬千餘頭生擒百數十名此雷正綰周蘭亭簡敬臨各軍攻克李旺堡穆家潭情形也自楊文治伏誅後陝甘各回震懼益甚而金積堡馬化澂已屢為劉松山剿敗詭謀盡露且愧且悚不得不令各堡甘同迅速求撫以掩其句結之奸馬化澂新教各回堡以豫望城即禹王城半箇城即同心堡為最大諸回目既受馬化澂指使就官軍求撫陝回心更不安於是陝回禹

得彥白彥虎李經舉等之在豫望城者潛率各部眾由鹽茶廳西竄約踞甯安四百戶之崔三馬生彥及馬鎮和部眾金積堡所留之陝回陳林等悉數西趨圖由長流水打拉城出會甯安定一帶南合河州之同暫延端息黃鼎得各土回密報即商馬德順收隊黑城子會師追之十四日兩軍由黑城子冒雪進行六十里抵黃楊坪詢之土回知禹得彥等三日前盤踞鹽茶廳一帶追官軍攻克李旺堡始移家小輜重於西安堡李經舉白彥虎仍在黃家園黃鼎馬德順會商十六日馬隊先行步隊繼之爲犁巢埽穴之舉追六十里至鹽茶廳見炊煙尙然知賊去未遠馬德順督馬隊又猛追四十里至西安堡一望平川延袤三數十里四面賊帳滿布

馬隊馳至老弱婦女號哭紛竄悍賊數千吹角齊出力拒官軍馬隊分半下馬挺矛衝殺一半縱馬開槍縱橫盡東華續錄 同治八十一

決立斃悍賊五六百名賊勢大股分向黃家園及西山一帶奔竄馬德順及黃鼎呼敦馬隊營官胡應芳黃虎臣整隊追殺見賊即砍沿途又斃賊千數百名賊中頭目死亡者多不復成列馬德順見前面山岔紛歧急督各營分三路按剿分統提督張會元向南山一路副將崇志率吉林馬隊胡應芳黃虎臣率呼敦馬隊向北山一路自率黃旗及親兵小隊由中路黃家園進復追殺十五六里至劉家井路隘不容方駕兩旁皆深溝馬德順率親兵十餘策馬前行察看地勢忽兩旁馬步伏賊數百齊出刀矛攢刺山上賊眾拋石雨下馬德順身帶刀矛傷七處猶與黃旗哨官副將張顯揚各手刃數賊力竭而殞張會元受矛傷三處吉林馬隊哨官全德受矛傷五處呼敦馬隊哨官劉治均受刀矛傷七處經各營搶獲上馬折回計各營馬隊弁丁力戰陣亡者共三十餘名黃鼎隨

率步隊馳至督隊勒馬回擊飛催步隊分路向前衝殺始將逆賊擊退因路狹不能施展收隊還駐黃家園是夜黃鼎與張會元等面商飭黃旗小隊及副白旗護送馬德順張顯揚忠骸回固原州而仍率所部馬步各營會同張會元所部副同旗馬隊崇志所部吉林馬隊於十七日由西安堡出乾鹽池向打拉城前進行六十里至乾鹽池探報打拉城見有大股逆回盤踞炊煙縣亘數十里黃鼎詢之降回知是甯安四百戶等處陝西回逆由長流水西竄者是夜四鼓馬步各軍急起躡之行近打拉城二十里即見東北山梁一帶煙塵滾滾西去知逆賊已由打拉城竄動黃鼎飭左營押護輜重緩行飭參將林定遠總兵黃有忠參將朱蘭亭率所部步隊副將胡應芳率左營馬隊循右路山梁進張會元崇志所部馬隊循左路平川斜襲打拉城之後副將黃虎臣率所部馬隊循

東華續錄 同治八十一

中路徑擣打拉城黃鼎自率副將李玉春副將何玉超等步隊繼之北抵打拉城見兩山開豁地勢寬平當飭馬步聯絡徐行賊見官軍馬步各隊誤爲鹽茶廳西安堡前來會合之賊適然不驚官軍亦不動聲色追逼近賊前號鼓齊鳴聲震山谷賊出不意狂號亂竄黃鼎揮軍橫衝直突立將賊眾截爲三段一奔向打拉城一奔向東北山一向北面亂山狂竄李玉春何玉超各率親兵及洋槍隊分路截殺斃賊數百名墜崖跌斃者不可勝計於時呼敦右營馬隊逼近打拉城逆眾憑街口抗拒弁丁下馬開槍轟擊刀矛手猱騰而上立將堡城攻破逆眷驃駝糧料輜重塞滿街衢黃虎臣督隊從人畜堆中衝出街口逆回馬步數千拚命返鬪黃虎臣督勇下馬步戰李玉春何玉超等所部步隊適至結成方營橫貫賊隊張會元崇志所部馬隊適從左路平川鈔出賊後前後夾攻

斃賊無算騎賊先奔步賊則圍殺殆盡矣馬隊各營仍向西追殺其右路馬步各營進攻東北山梁之賊甫上第一重山梁賊之馬步已嘯聚一處由上壓下力扼官軍胡應芳督馬隊繞上山梁之左林定遠督步隊繞上山梁之右後兩營步隊又從中路整隊齊進立斃悍賊數十名賊眾紛潰各營三面併進槍上山梁齊壓而下追殺十餘里斃賊約四五百名收隊回打拉城行十餘里忽山口突有紅旗馬賊數百飛駛而來林定遠黃有忠朱蘭亭督隊截殺花翎守備賈洪順衝入賊中礮子穿胸陣亡胡應芳怒馬陷陣步隊繼之立斃悍賊百數十名奪獲戰馬百數十匹賊飛奔上山而逸比各營收隊回打拉城則夜半矣是役計斃賊二千七八百墮崖死者不計獲駱駝一千二百餘頭驛馬牛驢共二千餘頭獲賊糧器械無數生擒二百餘名擇其兇悍者百餘名軍前正法

東華續錄

同治八十一

三

餘仍釋之此九月十六十八兩日黃鼎馬德順馬步各營獲勝情形也臣維馬德順黃鼎馬步兩軍十六日擊敗之賊是由豫望等堡竄出之陝回白彥虎禹得彥李經舉等股十八日所擊之賊是由甯安堡四百戶等處竄出之馬生彥陳林顏河洪擺萬海治阿洪及馬正和餘黨是陝回悉數西竄甯夏靈州已無陝回蹤迹矣賊之西竄意在會合河州逆回此次雷正綰周蘭亭簡敬臨黃鼎諸軍擊之固原黑城子李旺堡連獲大捷甘回不敢容留陝回以千勦辦豫望城半箇城澤州堡各甘回均已款營求撫臣已飭總理營務道員曾傳理察其誠偽分別辦理其陝回之竄至西安堡打拉城者又經馬德順一擊之西安堡以西黃鼎擊之打拉池以北計共殺悍賊數千賊之糧食輜重軍械牲畜已拋棄過半似甘肅北路肅清可期臣見檄雷正綰由半箇城進長流水新堡子

周蘭亭簡敬臨繼之期與黃鼎馬步諸軍收夾擊之效其先竄一股黃鼎所部陞用提督徐占彪步隊三營已於十七日由靜甯州赴會甯截剿臣所調提督楊世倌正四旗馬隊亦於二十二日馳抵靜甯二十三日馳往會甯合隊賊如由會甯出安定黃鼎一軍及張會元崇志馬隊富先願蘭州省會然後追剿向河州之賊諸軍西趨其固原黑城子李旺堡一帶新復之區不可無軍填紮見檄總兵張福齊率所部五營分駐黑城子李旺堡提督周紹濂率所部四營分駐瓦亭固原州以重北路之防而遏諸軍之氣臣拜摺後料理後路糧運事宜即進軍平涼布置一切將來或由中路或由南路前進或緩或急惟當審度機宜慎以圖之上諭軍機大臣等此次陝回糾眾紛擾意圖阻截官軍白彥虎等雖負創西竄難保不勾煽河州各回復行東犯左宗棠見檄雷正綰等軍分投防剿並擬進軍平涼著即嚴飭雷正綰等各率所部相機夾擊將未獲之各回目擒斬淨盡以靖陝氛並著將後路糧運事宜趕緊布置於抵平涼後斟酌緩急整軍前進一面將蘭州省垣及河州狄道防剿各務悉心籌畫並飭張會元崇志等力顧蘭州不可稍涉疏虞馬化澂是否顯露叛逆抑係求撫緩師靈州一城如果失陷究爲何股所襲均著該大臣遵奉前旨將該城有無被陷及劉松山亂殺激變各情迅速查明具奏其豫望城半箇城各處甘回既經款營求撫即著飭令曾傳理安速辦理但不可爲其所紿致貽後患將此由六百里諭令知之○以甘肅北路會剿回匪獲勝賞提督雷正綰道員黃鼎珍物總兵官劉明泰三代正一品封典提督周蘭亭總兵官趙玉亭副將崇志巴圖魯名號總兵官簡敬臨等加銜升敘有差○予甘肅陣亡總兵官馬德順祭葬世職

東華續錄

同治八十一

三